

Saksbehandlar: Nils Geir Myrkaskog, Løns- og rekneskapstenesta  
Sak nr.: 14/3201-1

## Årsrapport 2013 for Sogn og Fjordane fylkeskommune

**Fylkesrådmannen rår hovudutvala til å gje slik tilråding:**

**Hovudutvalet rår fylkesutvalet til å gje slik tilråding:**

**Fylkesutvalet rår fylkestinget til å gjere slikt vedtak:**

Årsrapport 2013 for Sogn og Fjordane fylkeskommune vert teken til orientering.

1. Årsrapport 2013 Sogn og Fjordane fylkeskommune
2. Årsmelding frå fylkesrådet for funksjonshemma 2013
3. Årsmelding frå fylkesrådet for eldre 2013

Andre dokument som ikkje ligg ved:

Uprenta vedlegg ligg elektronisk på Sogn og Fjordane si heimeside under "årsmeldingar"

1. Årsmelding frå Vestlandsrådet 2013

---

## SAKSFRAMSTILLING

---

### Innleiing/lovkrav

§ 48 pkt. 5 i kommunelova omtalar årsrapporten slik:

*"I årsberetningen skal det gis opplysninger om forhold som er viktige for å bedømme kommunen eller fylkeskommunens økonomiske stilling og resultat av virksomheten, som ikke fremgår av årsregnskapet, samt om andre forhold av vesentlig betydning for kommunen eller fylkeskommunen. Det skal også redegjøres for tiltak som er iverksatt og tiltak som planlegges iverksatt for å sikre en høy etisk standard i virksomheten. Det skal redegjøres for den faktiske tilstanden når det gjelder likestilling i fylkeskommunen eller kommunen. Det skal også redegjøres for tiltak som er iverksatt, og tiltak som planlegges iverksatt for å fremme likestilling og for å hindre forskjellsbehandling i strid med likestillingsloven, samt for å fremme formålet i diskrimineringsloven og i diskriminerings- og tilgjengjelighetsloven."*

Etter vedtak i FT, sak 48/13, skal ikkje hovudutvala leggje fram eigne årsmeldingar frå og med rapporteringsåret 2013. Det er vidare lagt til grunn at årsrapporten og tilstandsrapporten for vidaregåande opplæring skal samordnast. Dette er følgd opp.

Nemnde omlegging endrar ikkje føremålet med den administrative årsrapporten, men fylkesrådmannen legg likevel opp til å endre saksgangen slik at hovudutvala får rapporten til handsaming før han går til fylkesutvalet og fylkestinget.

Fylkesrådmannen sin årsrapport for 2013 følgjer saka som vedlegg 1.

Fylkesrådmannen viser særleg til kapittelet «Slik fylkesrådmannen ser det» frå s. 17 i årsrapporten. Fylkesrådmannen gjev her eit kortfatta oppsummering av året 2013. Med omsyn til fylkeskommunen sin økonomiske stilling viser fylkesrådmannen særskilt til avsnittet:

*«Fylkeskommune har gjennom mange år hatt høg investeringsaktivitet. Det har gitt auka gjeld og resultert i at ein stadig større del av driftsinntektene må nyttast til kapitalutgifter. Sist kjende rekneskapstal viser at vi no ligg på landstoppen i lånegjeld pr. innbyggjar. Eg reknar med at fylkestinget etter kvart etablerer balanse mellom nye låneopptak og årlege låneavdrag»*

Fylkeskommunen si økonomiske stilling er elles vurdert/framstilt frå s. 6 til s. 14 i årsrapporten.

For meir detaljert gjennomgang av drifta på dei ulike sektorane vert det vist til årsmeldinga s. 25 til s. 64, samt frå s. 76 til s. 109

Kommunelova § 48 krev også at ein i årsrapporten rapporterer på kva som er gjort for å;

- sikre ein høg etisk standar i fylkeskommunen og
- fremma likestilling, likeverd og mangfald i fylkeskommunen

Fylkesrådmannen viser til årsrapporten s. 68 – 72 vedkomande;

- kva planar, tiltak og måloppnåing fylkeskommunen har for å fremme likeverd, likestilling og mangfald og
- kva planar/retningslinjer vi har får å sikre høg etisk standar i fylkeskommunen.

#### **Revisjonen har i sin revisjonsmelding konkludert slik om årsrapporten:**

*«Basert på revisjonen vår av rekneskapen slik den er omtalt ovanfor, meine vi opplysningane i årsmeldinga om årsrekneskapen er konsistente med årsrekneskapen og er i samsvar med lov og forskrifter»*

#### **Andre årsmeldingar**

I tillegg til årsmeldinga frå fylkesrådmannen ligg det føre årsmelding frå fylkesrådet for funksjonshemma, frå eldrerådet, samt frå Vestlandsrådet. Fylkesrådmannen viser til desse. Nemnde meldingar ligg elektronisk på Sogn og Fjordane fylkeskommune si heimeside under årsmeldingar.